

Fula - Ruuhu Kabata Deftere - SW Intro Scriptures

Luka 17:5 Yoo, nelaabe mbi'i Jawmiraawo: "Besdan min nuddinki."
Roma'en 10:17 Bana non nuddinki iwi haa nanugo waaju, waaju boo don
iwa haa kubaruwol Almasiihu.

Luka 11:1 Too, nyande feere Yeesu wadi do'a haa nokkuure wonde. Nde o
timmini wadugo do'a, gooto haa pukara'en maako wi'i mo: "Jawmiraawo,
anndin min wadugo do'a bana Yuhanna anndini pukara'en muudum."

1 Timote 2:1-4 Ndaa ko aartanmi anndingo jama'aare nuddinbe: Mbade
do'aaji e torndeeji e gettooje ngam yimbe fuu. 2 Ndo'ane laamiibe e
marbe baawde koobeye, ngam haa en njoodo bee jam e de'ere, bee
kulol Jehovah e neddaaku fuu. 3 Kanjum dum woodi, dum fottanan
Jehovah, Kisnoowo en. 4 O yidi yimbe fuu kisa, keba anndal goonja.

Jekariya 3:1,2 Nden Jawmiraawo yi'ni yam Yosuwa, hooreejo liman'en, o
don dari yeeso malaa'ikaajo Jawmiraawo. Saydaanu boo don dari haa
nyaamo Yosuwa ngam wullaago mo. 2 Malaa'ikaajo Jawmiraawo wi'i
mo: "Jawmiraawo telbane, an Saydaanu! Jawmiraawo cubdo Urusaliima
telbane. Na kaŋko do nandi bee leggel kisnaangel yiite?"

Efesu'en 6:12 Ngam en kabataa bee yimbe, ammaa bee ruuhuji kalludi
gondi hakkunde asama bee lesdi, mardì laamu e baawde nder
jamanuuru nyibbundu ndu'u.

Efesu'en 6:10,11 Yeeso do, cembide nder kawtal mon bee Jawmiraawo.
Acce baawde maako mawde cembidina on. 11 Koo'e balmi Jehovah fuu
ngam haa on keba dartanaago dabareeji Iblisa.

Efesu'en 6:13-17 Ngam maajum njoge balmi Jehovah, haa on keba
dartanaago konneejo to nyalaade hallunde wari. To on njaalake
koodume fuu, nden kam on tabitan. 14 Taaske kadi, taade goonja bana
taadorgol, borne goonjaaku bana sulke. 15 Taaskitaare waajingo kubar
sulhu laato pade haa kosde mon. 16 Koondey fuu njoge nuddinki bana
wawarde mon. Bee maaki nyifoton kuri Saydaanu giiteleeji fuu. 17 Kufne
kisndam bana hufneere njamndi, nange wolde Jehovah boo bana
kaafahi ki Ruuhu Jehovah hokkata on.

Ibraniŋko'en 4:12 Ngam wolde Jehovah don yeedi, don huuwa. Nde buri
kaafahi kookiye marki mbeldiji didi ta"ugo. Nde don ta"a haa yotto
kawtirde i'e e mbosam, waato yonki e ruuhu. Nde don hiito suunooji e
numooji berde yimbe.

Luka 4:8 Yeesu jaabi mo: "Deftere wi'i: Sujidan Jehovah Jawmiraawo
maada tan, kaŋko feere maako a huuwanta."

Efesu'en 6:18 Mbade dūm fuu bee do'a. Tore Jehovah ngam haa o walla on. Tore mo foroy bana Ruuhu maako ekkinitirta on. Ayne, taa acce do'anaago yimbe Jehovah fuu.

1 Samuyila 17:45-47 Daawuda jaabi mo: "An a wari dow am bee kaafahi e labbo e jaaral. Min kam mi wari bee innde Jehovah Baawdo, Jawmiraawo honoobe Isra'iila. Kanjo on njancuda. 46 Ngam maajum o nastinte hande haa juunjo am. Mi mbarete, mi ta'an hoore ma. Balli Filisti'en wodbe, mi hokkan di jigaaje e kuuje ladde nyaamooje kusel. Nden kam duniyaaru fuu anndan Jehovah don haa Isra'iila. 47 Moobtiibe haa do fuu anndan Jawmiraawo walaa haaje kaafahi malla labbo ngam hisnugo yimbe mum. Habre nde'e dūm habre Jawmiraawo, o hokkan min on haa juude amin."

Luka 10:17-20 Yoo, nelaabe cappande njoweedido e dido go ngarti bee seyo, be mbi'i: "Jawmiraawo, koo ginnaaji dowtanake min ngam innde ma." 18 Nden Yeesu wi'i be: "Mi yi'i Saydaanu do"ake diga dow bana ma"ere. 19 Ndaa, mi hokki on baawde yahugo dow bodde e jahe e laamu dow baawde konneejo fuu. Koodume torrataa on. 20 Ammaa taa ceye ngam ginnaaji dowtanake on, ceye ngam inde moodon mbindaama haa asama."

2 Korintu'en 10:3-5 Fakat, minin min yimbe, ammaa min kabataa bana yimbe. 4 Nder habre amin min kuuwtinirtaa balmi duniyaaru, sey balmi Jehovah cembiddi. Bee maaji min don ngibbina mahi. Min don ndo'a numooji fewre, 5 min don ngibbina mawnitaare fuu nde luuti anndal Jehovah. Min don ngartira numooji fuu naangaadi, haa di dowtano Almasiihu.

2 Timote 1:7 Jehovah hokki en Ruuhu mum, ngu hebbintaa en bee kulol, ammaa bee sembe e yiide e naajtaare.

Matta 12:28,29 Fakat, mi don riiwa ginnaaji bee baawde Ruuhu Jehovah, kanjum don waajina no laamu Jehovah wari haa moodon. 29 "Walaa mo nastata saare cembiddo, wujja mo, sonaa o aarta, o habba mo tawon, nden o wujja kuuje saare maako fuu.

Efesu'en 1:13 ammaa onon boo, onon nanbe wolde goonja, kubar kisndam mon. Nde nuddindon, Jehovah hokki on Ruuhu mum Ceniingu ngu o wi'no o hokkan. Bana ni o wadani on lamba maral maako.

Kuude Nelaabe 19:6 Pol wallini juude muudum dow ko'e mabbe, Ruuhu Ceniido wari dow mabbe, be mbolwi demde jananne, nden be ngaajie wolde Jehovah.

Markus 16:15-18 Nden o wi'i be: "Njehe kootoy nder duniyaaru, ngaajine koomoy linjiila. 16 Koomoy nuddini, jabi ngiiwam baptisma, hisan. Mo nuddinaay, Jehovah hiitoto mo. 17 Nuddinbe keban alaamaaji baawde

dí'i: Be ndiiwan ginnaaji bee innde am, be mbolwan bee demde de anndaaka. 18 To be nangi bodde, malla to be njari njaram mbaroojam, düm naawnataa be sam. Be mballinan juude mabbe dow nyawbe, be njamditaa."

1 Yuhanna 1:9 Ammaa to en tuubi hakkeeji meeden yeeso Jehovah, en mbaawan hoolaago mo ngam wolde maako don tabiti. O yaafoto hakkeeji meeden, o labbinan en diga aybe meeden fuu.

Gurtaaki 20:5 Taa sujidan di, taa teddin di! Ngam min Jehovah Jawmiraawo mi don dabba yiide ma fuu, mi hiitoto aybe wanybe yam haa bibbe mabbe, koo haa taaniraabe mabbe e jaatiraabe mabbe boo.

Jabuura 109:17 O yidno kuudi - ndi loro dow maako. O yawi barka - ka daayo mo.

Alkaali'en 16:16 Bana ni o tokkori Samson bee haala man nyalde fuu, haa Samson somi, waawaay munyango düm.

Efesu'en 4:26 To on tikki, taa mbade hakke. Taa on nyalla bee tikkere, Roma'en 14:12 Mi don tuugo Yeesu, Jawmiraawo men. Ngam maajum anndumi fakat, walaa koodume laati cobdum bee hoore muudum. Sey to goddo laari düm bana cobdum, nden kam düm laatanto mo cobdum.

1 Yuhanna 2:23 Ngam koomoy sali Biddo, sali Baabiraawo boo. Mo jabi Biddo, jabi Baabiraawo boo.

Yuhanna 14:6 Yeesu jaabi mo: "Min woni laawol jahrangol haa goonja e ngeendam. Walaa mo hebata yahugo haa Baabiraawo bee laawol feere, sey bee am.

Matta 11:28-30 "Onon sombe e roondiibe doongle teddude fuu, ngare haa am, mi ittan on doongle man. 29 Dowtaneedam, ekkite haa am, ngam mi booddo, mi torrataa on. Fakat, yonkjiji moodon ciwtoto. 30 Ngam ko mi umrata on, düm nafan on, ko mi roondata on boo, düm teddantaa on."

2 Korintu'en 6:2 Ngam o wi'i: "Wakkati mo"ere mi jabi tornde ma, nyalaade kisndam mi walli ma." Ndaa, jonta woni wakkati mo"ere, hande woni nyalaade kisndam!

Roma'en 10:13 Bana ko deftere wi'ata: "Koomoy seedi innde Jawmiraawo, hisan."